

爾雅匡名

爾雅匡名序

凡言訓詁之學必求之爾雅矣雖然求之爾雅而不得其所以然之故但見其氾濫無厓渙吾未見熟於爾雅之必能通經也則又求之說文解字矣以說文解字言形與聲與義無不瞭然讀之者於訓詁當無不瞭然然吾見讀說文解字而於經傳爾雅愈不能通鉏鋸不合觸處皆是淺人遂謂小學與治經爲二事然則從事小學將以何爲也夫訓詁者周官所謂轉注是也說文解字與經傳爾雅訓詁有不能同者由六書之有假借也經傳字多假借而爾雅仍之說文解字字無假借蓋六

書有義有音有形有義而後有音有音而後有形周官
屬瞽史諭書名聽聲音固有音韻之書矣爾雅者言義
之書也當漢時無不知三代之音者亦無不讀爾雅者
學士大夫又有蒼頡凡將訓纂諸篇爲字形之書童而
習之三者備矣三者旣備而說文解字何以作也許氏
以爲沿流不若討原乃取周官指事象形形聲會意列
部五百四十勑爲說形之書形在是而聲與義均在是
讀者見其形可以得其聲與義蓋自古小學之書義例
未有善於此者顧以形爲主則義必依形字有假借之
用則義不必依形此說文解字於經傳爾雅鉏鋸不合

觸處皆是之故雖然舍說文解字則未有能知假借者
經傳爾雅所假借有不知本字爲何字者求之許書而
徃徃在焉是非經無以知權其觸處鉏鋤者其毫未有
鉏鋤者也許書專言本字本義而其義之可以引申轉
徙倡異而同侶遠而近者抑同音而卽可相代者無不
可以書中求之然則謂說文爲綱謂爾雅方言釋名廣
雅諸書爲目可也然則其讀之也宜何如一日以說文
校說文何謂以說文校說文也說文解字中字多非許
舊則自爲鉏鋤卽以說文正之而後指事象形形聲會
意之說可明也二日以說文釋爾雅何謂以說文釋爾

雅也以說文之本字本義定爾雅之汜濫無厓渎者而後假借之說可明也五者明而轉注舉矣蓋爾雅不可改從說文猶說文之不可改從爾雅也顧爾雅字體文理之譌有當取古本及說文及它書相正者歸安嚴子九能述爾雅匡名廿卷博觀約取一一精畫益唯能窺見其大者故於細者較易耳近日阮芸臺中丞爲爾雅校勘記不識見九能是書否也九能娛親雅言旣爲同學推許而是書復將出予故先以鄙說序之云

嘉慶八年正月金壇段玉裁書於姑蘇下津橋朝山墩之枝園

爾雅乃總釋羣經之書非小學家言也前漢諸儒無兼治五經者故班氏志菽文以石渠五經襍議附孝經後而爾雅次之此深得爾雅之旨者也凡爾雅所釋之文皆經典所有其不見經典者蓋後世逸之自張揖著廣雅多汎濫於經外而龔雅始列小學失作書之旨矣然則漢儒說經有古文有今文爾雅古文邪今文邪張揖謂爾雅周公所造仲尼所增子夏所益叔孫通所補梁文所攷子夏以前尚矣梁文不知何人若通之委蛇從時必不違見行之小篆而從前代之古文是爾雅固今文之學然班固曰古文讀應爾雅賈逵亦言古文尚書

與經傳爾雅詁訓相應則爾雅雖主今文亦不謬於古文此所以爲經義之總匯而漢學之權輿也然而爾雅之難讀卽在於此夫文字者六藝之本以偏傍爲之體以詁訓爲之用爾雅主於詁訓若偏傍則非所及焉善乎顏介之言曰今之經典皆非說文所明皆是許慎檢以六文貫以部分使不得誤誤則覺之孔子存其義而不論其文先儒尚得改文從意何況書寫流傳邪竊謂爾雅亦然憑書寫流傳之本以定字體其不可也必矣字體不定則字義亦不易明而後之儒者乃欲穿鑿而爲之說傾訛甚焉吾友歸安嚴九能氏於此書治之有

年近著一書名曰爾雅匡名其言曰名文字也匡之爲言正也吾於爾雅爲之正其文字而已矣旨哉言乎是讀爾雅而得其要領者歟其正文字之道大要有三一曰證偏旁之離合二曰存古本之異同三曰糾俗刻之舛誤證偏旁之離合則以說文爲主說文字書之祖也字有彤事聲意舍說文其奚從存古本之異同則以釋文爲主釋文於異字異義載之甚詳其稱樊光作某孫炎作某者它家之異於部者也其稱本亦作某者卽部本而傳寫互異者也其稱字亦作某者則專就字論雖書無此本而字有此體亦竝載之於六義之旨多資攷

證糾俗刻之舛誤則以石經爲主監本毛本承譌襲繆幸開成石刻尚存可以參校是正岷山顧氏反以石經爲非弟弗深攷耳九能合此三者以讀爾雅而爾雅之文字正矣而其要尤在明通借之例蓋說文職在解字分別部居一字祇有一義爾雅意在說經古時字少一字或有數讀明乎通借之例則𩇛爲同類相從𩇛爲同音相假可得而審也自李陽冰已來治說文者意爲增竄多失其舊經傳所有而說文無者不皆俗體明乎通借之例則𩇛爲流俗增加𩇛爲說文遺脫可得而究也至若古本之與俗刻更非一致俗刻由於校勘之疏古

本異同則字有古今音有楚夏師讀相承遂致錯互明
乎通借之例則侶異實同者可得而稽也是故明通借
之例以正爾雅之文而六經之文皆正是不唯有功爾
雅并有功六經也其它採摭羣言構會甄擇經疏史注
有涉於此者悉舉而臚陳之俾互相證發不煩言而自
解簡而當博而不支無舛說無虛詞爾雅得此洵爲善
本景純元朗不得專美於前矣嘉慶辛未春二月德清
徐養原序

爾雅匡名自序

僮時在塾讀書周易書詩論孟而外三禮三傳皆不能
卒業於爾雅則僅知有此書名而已生年過二十始得
注疏合刻之本讀之苦其文字多誤思有以是正之乃
據釋文石經盡祛俗本之陋以爲得之矣反復久之知
釋文所載諸家之異同尚多漏略而瑕瑜竝陳漫無折
衷學者旣無以定一是之歸間有是非又往往不能合
乎古予於是博稽載籍自漢訖宋凡有徵引此經錄而
存之以備甄別復進而求之許祭酒說文解字之書以
究其離合前輩之緒言同學之講說有可以餽益此經

者單詞片言戢香掌錄罔有遺佚歲在辛酉讀禮之暇
整比較語寫成彙本命之曰爾雅匡名名文字也匡之
爲言正也吾於爾雅爲之正其文字而已矣爾雅之文
字正而後可以治經爾雅者經之匯也治經而不治爾
雅如歟之無的也未有能通者也是以孔子之告魯哀
公曰爾雅以觀於古可以辨言矣辨言者治經之要道
也嘗攷漢儒之訓詁大半出於爾雅而毛詩之傳箋用
雅訓者尤多然而毛鄭所讀之爾雅視晉唐人之所讀
者蓋大不同矣吾讀毛詩傳箋往往有不見於爾雅而
循其形聲以求其義焯然知卽今本之某字者然而唐

人之爲義疏者忽焉而弗省則其假借貫通之故久已失其傳矣自宋以降小學日散爾雅一經久爲學者所不道是以說經之儒新義凡說日煩月滋脫略詁訓成書甚易書益多而經義益汨則不讀爾雅之弊也晦冥旣淡久而當復 本朝儒者務申古義 國初諸老開其端至乾隆中而特盛餘姚邵氏乃爲此經作正義義例精識解當較邢叔明之書過之不翅倍蓰惜其於文字之異同亦未能詳也吾是以作此書以備之初予寫定是書之時安居尚無恙越二年而蕭牆之釁起有同姓之親覬覦吾者利予有敬通孝標之累乘間生變以

訟相尋訟不直則怨愈甚欲甘心焉而門內之閨亦日以甚值歲又大祲寢食不得安所生子既長大其趣尚出人意丙寅孟嬭予一病幾不蘇則吾所生之長者爲之也吾以輕脆之軀爲無父之人無舅弟姊妹之助轉側於內外交虹之地不惜以身殉者忘其力之所不及而重去其鄉也隸於丙寅一蹶所望始絕精力消亡不能復振念徒死非先人之意而幼子遷生已半歲又不能無所屬望乃託諸德清蔡外兄買屋以居之遂於是冬安葬先考妣事既畢乃毀吾家以弛吾擔自茲以往偷息人世知復幾時修短不足計自甲子以後盡餘生

也昔者蘇文忠注易書論語攜之渡海元符三年六月之晦宿大海中幾不免公撫書而歎天苟未欲喪是也吾儕必濟已而果然古之人自信其學如此予書無益於世不敢援此例以自詡然處顛危之際已度付灰燼久矣今日者猶得從事於斯不可謂非小人之幸也繕寫既定乃自爲之序其詳別有例言與金壇段先生之序在可勿贅也

皇清嘉慶十三年歲在祝融執徐夏六月歸安嚴元照書於餘不谿館時析居德清之弟三年也

爾雅所据各本

陸氏

德明

音義二卷

經典釋文康熙朝有通志堂刻

本乾隆朝餘姚盧學士

文昭

重爲校栞世稱抱經堂

本通志堂本雖有錯字乃係傳譌抱經本雖經校勘

讀者頗病其改易轉失本真蘇州有藏葉石君

萬影

鈔宋本

卽通志堂之祖本

同人傳校予未得見鄞縣盧氏抱

經樓間有宋刻亦不可得也

開成石經

釋文所云本今作某者石經大半相合其

唐石殘闕而補刻者出明人王堯惠之手所据卽流俗行本舛錯不足据顧氏金石文字記詆譏石經所

爾雅匡名

所据各本

摘爾雅十七條其木謂之虞木誤作本祝州木祝誤作祝魚尾謂之丙尾上添一之字三條皆明刻也

邢氏

昂

正義十卷

單行宋刻蘇州袁氏黃氏皆有藏

本壬戌年巡撫阮公

元

爲十三經校勘記曾向袁氏

借閱予時寓西湖居詒經精舍之第一樓因得粗校一過字體大半與石經同

陸氏

佃

新義二十卷

此書世少傳本故

四庫全書

無有同縣丁敦授

杰

藏舊鈔本

先考半菴公於丙

辰年借錄一部經文字體半同石經閒有勝石經者數科

鄭氏樵

注三卷

汲古閣刻本多譌字未見舊刻

雪窗書院校栞單注本三卷

書院之名未詳審其雕

刻殆南宋本乃予之舊藏後贈武進臧在東

鏞堂臧

爲重刻一本

悉依原本

文字亦與石經大致相同亦有勝

石經者

爾雅匡名例言

經文全錄字體悉遵釋文釋文所不出者用石經

釋文所偶舍人樊李諸家同異說文字林同異以及本
或作△字亦作△之類悉行甄錄辨其離合所載音
切異同不錄惟有本文之字必無此音實係字異而
陸氏不及詳覈者則錄而申明之

此書大旨以說文校爾雅而說文不載之字亦有本有
而傳寫佚脫者亦有雖不見於說文實出經師之手
斷難斥爲俗作者不可專据今本說文而遽改爾雅
也元照但云說文無此字而不敢直云當作△者意

取慎重不欲逞臆見耳有見於它書所引爲得其正者則明定之

唐人所引爾雅不見於釋文石經者未必盡確亦未必盡誣哀聚所見附錄卷末爲逸文一卷以資攷訂

書中所采各本異同至雪函書院本而止明人所刻單注本如吳元恭鍾人傑郎奎金本朝如王朝宸所刻皆佳而不備載者懼煩也今世通行注疏合刻者一明監本一汲古閣本文字繆舛不可枚舉今不載者亦懼煩也

此經自景純之後在兩宋唯陸佃鄭樵兩注尚有流傳

先儒著述說及此經者甚夥今所采錄諸家之說皆同時耆舊所好其在康熙朝唯武進臧先生琳一人而已又有著書專釋此經而不及采者兩家一則丹陽姜氏兆錫之參義一則仁和翟氏灝之補郭此二書者所言不能無誤元照不欲訾毀前修以自銜故寧從略焉

北宋以前諸書引爾雅

另有目

有異同者隨所見采擷著

錄以評其是非至太平御覽而止惜所見之書皆非舊本必多展轉傳譌失其本真者此則限於聞見不暇盡心所望同志爲糾正之耳

此書於諸家之說固不敢襲爲己有亦有實自己出聞
合它人審其年月在元照之前則寧讓之其得自朋
好口授者亦不敢沒其姓氏

爾雅匡名引用諸家論說姓名

郭氏

璞

舍人樊光李巡孫炎注皆不傳傳者唯郭唐

陸氏

德明

作音義宋邢氏

昂

國朝邵氏作正義皆

本乎此

陸氏

德明

音義所引諸家文字音讀尚爲詳備然於

小學疏略其所決擇大半未允

邢氏

昂

所作正義十卷但鈔襲陸孔兩家之書成之

陸氏

佃

所作新義二十卷其注無足取其經文乃北

宋善本爲可据依

鄭氏

樵

所作注雖無精義較勝農師之書

顧氏

炎武
崑山

九經誤字一卷据唐石經以正監本之誤

獨無爾雅其於金石文字記刻石經誤字爾雅得十七科皆屬誤糾其本謂之虞魚尾謂之丙二科真誤者乃明人所補刻非庸石也

臧氏

琳
武進

康熙間人說經最精人無知者近其元孫

鏞堂

爲編刻其書卅卷名經義雜記其校爾雅之語

今盡采之

惠氏

棟
元和

九經古義獨無爾雅予於臧在東

鏞堂校

本錄得數條不知其所自來也

盧氏

文淵
餘姚

學士校某經典釋文別誤攷證兩冊今擇

而取之又生平所校刻各書其校語多有可采者

江氏

聲吳縣

所撰尚書入注自爲音疏以篆書付刻閒

有涉於爾雅者取之

王氏

鳴盛嘉定

所撰有尚書後案

錢氏

大昕嘉定

潛研堂文集有荅問一編說爾雅者一卷

又十駕齋養新錄亦有數條

戴氏

震休寧

東原文集有爾雅文字攷序知戴曾有是

書讀其序與予書大旨相若今不傳它所誤著尚多

亦采擷及之

程氏

瑤田歙縣

通藝錄中有改正釋畜牡羴牝殺記

段氏

玉裁金壇

所著書不盡行世今所采者詩經小學說

文解字注

已刻者兩卷

汲古閣說文訂

畢氏

沅鎮洋

經訓堂所刻書中有山海經校本釋名疏

證二種有涉於爾雅

邵氏

晉涵餘姚

所授爾雅正義廿卷體大思精信非苟作

偶有舛錯摘而論之

錢氏

大昭嘉定

其所著書之序例已刻間有涉爾雅者取

之

錢氏

嘉站嘉定

釋地以下四篇

孫氏

星衍陽湖

其問字堂文集荅江叔灃書有校爾雅數

條今取之

徐氏

養原
德清

所著書皆未寫定曾爲予點校娛親雅言

今取其說書成之後又爲訂正若干條

顧氏

廣圻
元和

壬戌年同寓西湖詒經精舍之第一樓得

之口授者

臧氏

鏞堂
武進

有校本又有說著於盧學士經典釋文攷

證者

鈕氏

樹玉
吳縣

有說文新附攷一書

許氏

宗彥
德清

曾爲校點娛親雅言

南唐書

卷之八

三

爾雅匡名卷一

歸安嚴元照

爾雅卷上

釋文云爾字又作邇案說文

邇部邇近也从

彳爾聲古通借作爾

釋文云雅字亦作疋案說文

疋足也古文以為詩大疋字又

佳部雅楚舄也則疋為

正文雅屬通借

唐石經此四字八分大書

釋詁第一

釋言第二

釋訓第三

釋親第四

石經有此目

釋詁第一

釋文云詁樊光李巡本作故案毛詩釋文

云郭注爾雅則作釋詁樊孫本皆為釋故据此則漢

讀皆作故獨郭作詁案說文

言部詁訓故言也从言古

聲詩曰告之詁言

今本作詩曰詁訓脫告之二字又誤言作訓据毛詩釋文云說文作

詁今改正

則詁爲正文故詁古今字

第當作弟說文弟

韋束之次弟也竹部無第字故說文弟一弟二字皆作弟而毛詩周南關雎詁訓傳第一正義曰說文云第次也字從竹弟豈唐本竹部有第字耶然弟不成字恐未可信

初哉首基肇祖元胎俶落權輿始也

釋文云哉亦作

栽案當作才說文才艸木之初也从丨上貫一將生枝葉一地也哉栽皆通假字又通作載哉栽載皆从戔戔从才故通用 肇當作犀說文

戶部

犀始開也从

戶从聿又

戈部

肇上諱臣鉉等曰李舟切韻云擊也从

戈犀聲又

戈部

肇擊也从攴犀聲段氏

玉裁

曰玉篇攴

部肇俗肇廣韻亦有肇無肇說文攴部肇字係唐後

人妄增

祖通作徂詩

小雅四月

徂暑箋徂猶始也

釋文云胎本或作台案胎始皆从台聲故皆可訓

始又詩

幽風七月

殆及公子同歸傳殆始正義云釋詁云

胎

今本誤殆

始也說者皆以爲生之始然則胎殆

今本誤作殆始

據宋監本疏校

義同故爲始也

釋文云俶字又作倂案牀

俗體凡俗體字母庸別其同異如倂字之類是也又

案俶亦通俶說文

土部

俶一曰始也从土叔聲

林丞天帝皇王后辟公侯君也 釋文云丞本又作蒸

諱

廓宏溥介純夏幬庀墳嘏丕奕洪誕戎駿假京碩濯

訐宇穹王路淫甫景廢壯豕簡劉販睦將業蓆大也

說文

雨部

龜雨止雲罷皃从雨郭聲臣鉉等曰今別作

廓非是

溥義與說文同又通普士虞禮嘉薦普淖

注普大也

介說文訓畫當作芥說文

大部

芥大也从

大介聲讀若葢經典相承用介

幬說文訓覆案幬

與幬通天官腊人臙胖注曰臙與大亦一也又云臙

又詁曰大二者同矣疏云臙又詁曰大者據爾雅釋

詁文又與荒通詩

唐風蟋蟀

好樂無荒又

大雅篤公劉

幽居允

荒又

周頌天作

大王荒之毛傳皆訓大下注引詩遂幟大

東今詩作荒是通用之徵

錢少詹

大昕

曰詩遵彼

汝墳大防也牂羊墳首大首也汾王之孫傳訓汾爲

大以汾墳同音有頌其首傳訓大首亦以頌墳同音

也賁鼓爲大鼓是賁本有大義元照案尚書疏

盤庚

引作賁

丕古通不釋文云丕字又作丕案丕俗體

奕唐石經作弈案說文弈乃博弈字在卅部訓大

者从介介隸變作大石經非奕又通亦詩

周頌噫嘻

亦服

爾耕箋亦大正義曰亦大釋詁文彼亦作奕音義同

又

豐年

亦有高廩箋亦大也周語奕世載德漢樊安碑

郭仲奇碑武榮碑皆作亦世載德 洪正義曰洪範

漢書作鴻範

呂覽亦同

洪鴻古字通用元照案詩

小雅節南山

四牡項領傳項大也項从工聲古音亦如洪傳訓爲
大卽取此義正義乃曰以領已是項文不宜重故以
項爲大斯非其義 駿與峻浚俊皆从夊聲古通用
大學克明峻德注峻大也又峻命不易注峻大也正
義曰峻大也釋詁文爾雅峻字馬旁爲之與此同也
正義曰頤通作石漢書律歷志石大也 釋文云
許本又作盱案許盱字皆从亏聲詩小雅君子攸芋
傳芋大也此亦許盱之異文芋亦亏聲也 穹通空

詩小雅

在彼空谷傳空大也韓詩作穹谷

王通任

正義云詩仲氏任只傳任大也孔疏以為釋詁文

甫當作誦說文

言部

誦大也从言甫聲讀若逋

壯說

文同又通熒說文

大部

熒駟大也从大壯聲

劉釋文

石經皆从竹詩

小雅甫田

倬彼甫田傳倬大也

說文倬箸大也从人

卓聲詩曰倬彼雲漢

釋文曰韓詩作劉云劉卓也於此則曰說

文云艸大也說文既訓草大則字必不从竹此陸之

疎也玉篇艸部葍都角切韓詩劉彼甫田廣韵

四覺劉

說文云艸大也本音到又

三十號

葍大也廣韵無劉字

玉篇竹部劉豬効切捕具也又作罩則劉即罩字與

大義了不相涉今邵氏正義改正从艸是也又案說文竹部無劉字艸部劉艸木倒从艸劉聲又有藪字云艸大也从艸致聲錢少詹曰二訓爲後人竄易元

照案玉篇

艸部

廣韻

六至

皆無藪字

販說文同

釋文

云𦣻本又作至又作𦣻案說文日部無𦣻字錢少詹曰封禪文爰周邳隆索隱引樊光說邳可見之大也則樊本作邳元照案本當作至經師遞增偏旁耳

席石經單疏本作席臧氏

鏞堂

曰說文席廣多也廣

多有大義席从庶省亦有大義元照案席正文席省文

𢇛𢇛有也 此與釋言蒙荒奄也義互通𢇛蒙聲相近

詩

商頌長發

爲下國駿𢇛荀子

榮引

作駿蒙大戴禮

衛將軍文

子

引作恂蒙詩

邶風擊鼓

狐裘蒙戎左傳

僖五

狐裘尫茸是

其徵也此注引詩遂𢇛大東毛作荒𢇛荒聲相近奄

有聲相近

正義云有本或作厚詩則無𢇛仕傳𢇛

厚也又爲下國駿𢇛傳𢇛厚也孔疏以爲釋詁文

迄臻極到赴來弔艘格戾懷摧詹至也

類篇

三上言部引

作訖說文𠂔部無迄字言部訖止也从言气

隸變省作乞

聲止至同義

詩淑慎爾止傳訓至又懷戾二字此既訓至下又訓止

又哀公問

愾乎天下注愾猶至也正義曰愾音近憩憩爲息息

是至之義故云愾猶至也元照案孔說非是愾本作

忼据說文氣即今之餽忼皆从气聲故通用耳

臻到二訓說文同 弔當作迺說文部迺至也从辵

弔聲經典相承用弔 釋文云艤孫云古屆字五經

云艤爾雅或作案說文舟部艤船箸今本不行也又尸部

屆行不便也一日極也二字通用大禹謨無遠弗屆

傳屆至也正義曰屆至也釋詁文正義云屆通作戒

戒至也元照案詩正義曰言戒至者謂肅恭敬戒而

至非訓戒為至也徐養原曰疏說非也傳曰戒至

因戒至不見爾雅故謬為此說 釋文云格字或作

格案說文彳部無格字格亦借用當作假說文彳部假

至也从彳段聲又通作假說文人部假非真也一日至

也詩

大雅雲漢

昭假無贏傳假至正義曰假至釋詁文又

民

昭假于下箋假至也正義曰假至釋詁文又

周頌噫嘻

既昭假爾正義曰假至釋詁文彼假作格音義同又

魯頌泮水

昭假烈祖傳假至也又

商頌元鳥

四海來假箋假至

也正義曰假至釋詁文彼作格音義同王制歸假于祖禰注假至也正義曰釋詁文祭統公假于大廟注假至也正義曰假至也釋詁文孔子閒居昭假遲遲注假至也正義曰假至也釋詁文

如適之嫁徂逝往也

說文

彳部

追徃也从彳且聲或从

𠂔作徂

正義云徂又省作且詩士曰既且毛傳且往也元照案毛傳無文邵誤以釋文爲之

逝說文同

賚貢錫畀予貺賜也

賚說文同正義云少牢饋食禮

來女孝孫注來讀曰釐釐賜也詩釐爾女士傳釐予

也孔疏引釋詁云釐予賜也元照案賚釐聲相近其

作來者賚之省文又詩

大雅江漢

釐爾圭瓚傳釐賜也正

義曰釐賜釋詁文尚書

立政

正義亦曰釐賜釋詁文

釋文云貢字或作贛廬學士

文昭

曰案說文贛从貝

贛省聲此又下作貢非也臧氏

琳

曰說文貢獻功也

贛賜也二字不同故子贛字賜今經典作子貢字之

省借耳漢石經論語子貢作贛論語釋文云子貢本

亦作贛禮記檀弓釋文云子貢本亦作贛今唯禮記

中樂記祭義兩篇尚作子贛餘多為後人改易矣邢

疏引爾貢苞茅不入為證誤甚予通與說文與部與

賜予也一與為與此與與同釋文云貺本或作況

案說文貝部無貺字

儀若祥淑鮮省臧嘉令類絺縠攻穀介徽善也正義

曰儀通作義詩大雅文王宣昭義問傳義善也元照案正

義曰義善釋詁文正義云祥通作詳淮南說六畜

生多耳目者不詳注詳善也元照案公羊傳宣十二年不

赦不詳

韓詩外傳六春秋繁露王道篇皆作祥

何氏云善用心曰詳蓋

祥詳譖字皆从羊故其義同而詳从言譖从言義尤

切近惠氏

棟

曰左傳

昭十一年

禋祥服子慎引公羊作詳

今公羊作侵羊者春秋繁露云羊之爲言猶祥與鄭

衆百官六禮辭亦云羊者祥也說文羊祥也攷工記

注羊善也疑古祥詳字皆省作羊

淑說文云清湛

也非此義當作倝說文倝善也从人叔聲詩曰令終

有倝一曰始也

鮮釋文云本或作誓沈云古斯字

郭音義云本或作𡗗非古斯字案字書誓先奚反亦

訓善元照案鮮與斯通其从言者係經師增益說文

言部 斯悲聲也从言斯省聲非其義也𡵓當从是作𡵓

與鮮通

臧說文同

正義曰臧與藏義同小雅中心藏之箋藏善也元照案藏說文

艸部新附字臣鉉等案漢書通用臧字从艸後人所加今攷毛詩釋文作臧監本注疏作藏小係後人妄改非孔之誤 令通靈盤庚弔由靈傳靈善也正義曰靈

善釋詁文詩

鄘風定方中

靈雨既零箋靈善也

介當作

价說文

人部

价善也从人介聲詩曰价人維藩元照案

毛傳价善也正義曰价善釋詁文

說文

詁部

諱吉也

从詒从芊篆文从言作諱隸省爲善

舒業順敘也舒業順敘緒也

敘通序詩

周頌閔

繼序

思不忘傳序緒也正義曰釋詁文

怡懌悅欣衍喜愉豫愷康妣般樂也

說文口部台說也

从口吕聲又

心部

怡和也从心台聲

說文心部無懌

字見於新附云懌樂也从心畢聲經典通用釋元照

案下節懌釋並出自不當重當定作釋楚詞

九有美

一人兮心不繹

悅說文新附亦無當作說說文

言部

說說釋也从言兌

欣通訢說文

言部

訢樂也从言斤

聲又

口部

听笑兒从口斤聲亦相近

喜說文同又通

喜說文

喜部

喜說也从心从喜喜亦聲又通僖說文

人部

僖樂也从人喜聲又通歡說文

欠部

歡卒喜也从欠从

喜

說文古文

說文

心部

愉薄也从心兪聲論語曰私

覲愉愉如也是愉之本義爲薄論語愉愉爲通借正

文當作念說文念忘也譚也从心余聲周書曰有疾

不念念喜也

愷通豈詩

小雅

孔燕豈

本亦作愷

弟

傳訓樂

康文選注

十

引作慊案說文

禾部

稌今本

皮也从禾从米乘

今本作康誤

聲或省作乘心部無

慊字

說文女部無妣字當作媼說文媼樂也从女

甚聲

又酉部醕酒樂也

詩作湛又作耽皆通借字文選

注

廿九引作航案航俗字般尚書

無逸

正義文選注

二又引

皆作盤案盤俗槃字尚書般康今亦作盤說文般辟

也象舟之旋非此義當作昇說文昇喜樂兒从日升

聲

悅懌愉釋賓協服也 見上 正義云賓通作嬪說文

嬪服也鄭注天官云故書嬪作賓

適遵率循由從自也適遵率循也 釋文云適孫云古

述字一切經音義十八又廿四兩引述循也甘誓正義云

述循釋詁文案釋言適述也說文述循也又見儀禮

牢饋食禮注又通術詩抑風日月報我不述傳箋皆訓循釋文

云本亦作術上喪禮注古又通聿詩大雅聿來胥宇

箋聿自也正義曰聿自釋詁文又抑正義云爾雅之

訓聿曰述也此指釋言亦為自也 說文部達先道

也从辵率聲經典相承省作率又通帥禮記王制不帥

教者注帥循也正義曰爾雅釋詁文又曾子問奉帥天

子注帥循也正義曰此釋詁文又文王世子武王帥而行

之注帥循也正義曰釋詁文又內則欽有帥注帥循也

正義曰釋詁文鄭注儀禮云古文帥皆作率 說文

無由字偏旁有之乃𠂔之省文與此無涉漢書由字

皆作繇說文系部繇隨從也从系省聲又彳部遯行遯徑

也从彳繇聲

靖惟漢圖詢度咨諏究如慮謨猷肇基訪謀也 靖通

靜堯典靜言庸違傳靜謀正義曰靜謀釋詁文 釋

文云漢舍人云心之謀也元照案舍人本殆作慎說

文

心部

慎勉也又案詩

小雅巧言

聖人莫之傳莫謀也釋文

云又作漢同

詢說文言部新附字案下文詢信也

据說文

心部

恂信心也从心旬聲則詢信字當作恂此

文亦當作恂

吝文選注

六

引作諮案諮俗字 正

義云如通作茹詩不可以茹來吝來茹箋俱訓度度

卽爲謀故釋言又云茹度也元照案說文

艸部

茹飮馬

也非此義

猷釋文音猶案猷卽猶字之別體不可

以爲音

釋文云基本或作譖案譖俗字

盧學士曰正文

譖

究連文次則譖又次則猷

摩釋文究譖皆在猷摩下

典彝法則荆範矩庸恒律夏職秩常也柯憲荆範辟律

矩則法也

彝通夷詩

大雅皇矣

串夷載路傳夷常正義曰

夷常釋詁文又

瞻

靡有夷瘳傳夷常也正義曰釋詁

文彼夷作彝音義同書

顧命

夷玉傳夷常也正義曰夷

常釋詁文案說文

糸部

彝宗廟常器也又

大部

夷平也彝

正文夷假借

說文

馬部

𩇑从馬从水从去𣶒今文省

荆从井隸變从开

釋文云範字或作范案當作

範說文

竹部

範法也从竹竹簡書也汜聲从艸者譌又

範从車範省聲義異

正義云矩說文作巨云規巨

也从工象手持之或从木矢作桀

說文

用部

𠄎用也

从用从𠂔又部膏用也从𠂔从自讀若庸是庸與膏

通 說文部恆常也从心从舟在二之間隸變作恆

俗書从亘 說文部常下裙也从巾尚聲或从衣作

裳攷說文有一曰某也之例常爲下裙乃正訓必有

旁訓今佚之耳

𦵏辟戾臯也 𦵏說文同 辟疑通僻說文部𦵏臯也

从辛𦵏聲 釋文云臯古罪字秦始皇以其字似皇

字改從𠂔非案

黃髮兒齒鮐背耆老耆也 釋文云兒本今皆作覲石

經作覲玉篇部文選注四引亦作覲案說文部覲老

人齒从齒兒聲 鮐詩作台箋云台之言鮐也 釋

文云齋本又作壽案此隸變小異耳毋庸別出石經

作壽

毛詩大雅行葦正義引作壽人也人字恐誤衍

允孚亶展謔誠亮詢信也展謔允慎亶誠也 允說文

同 正義云亶通作單小雅天俾爾單厚傳單信也

文選注六引忱信也尚書正義大詁引忱誠也元照

案謔忱通用說文言部謔誠諦也从言甚聲詩曰天難

謔斯又心部忱誠也从心允聲詩曰天命匪忱今詩大雅

明作天難忱斯傳忱信也正義曰忱信釋詁文又大雅

蕩天命匪謔傳謔誠也正義曰謔誠釋詁文 說文

無亮字臧氏琳曰釋詁亮信也亮導也亮右也左右

亮也四訓亮竝當作諒元照案亮信文選注屢引唯

北征賦注引作諒詩何人諒不我知箋諒信也又風

柏不諒人只傳諒信也內則請肄簡諒注諒信也祭

義易直子諒注諒信也皆取此義一切經音義十七

引作諒說文諒信也从言京聲又通涼詩大雅職涼

善背箋涼信也正義曰涼信釋詁文詢當作恂見

一切經音義十六引恂信也又通洵詩擗風洵美且胎

箋洵信也釋文曰本亦作詢又鄭風叔洵美且仁箋

洵信也正義曰洵信釋詁文又溱洵訐且樂箋洵信

也釋文曰韓詩作恂正義曰洵信釋詁文又陳風宛邱洵有情兮傳洵信也正義曰洵信釋詁文

謔浪笑敖戲謔也

錢少詹曰說文無笑字

大徐增漢入竹部

書薛宣傳壹笑相樂師古曰笑古笑字也案笑亦不知所从當卽笑薊之笑說文娛从女笑聲女子笑兒莞爾之莞亦从艸明笑卽古笑字矣漢隸从竹从艸之字皆省作𦰩後人徃徃相亂如箸作字當从竹而反从艸笑語字當从艸而反从竹皆由隸省而譌也隸書艸在上者或變爲兩點一畫故漢書或作笑亦作咲此卽从艸之證李陽冰謂竹得風其體夭屈如

人之笑較之以竹鞭犬稍為近理要皆肌造不足信

粵于爰曰也爰粵于也 正義云粵與越通盤庚越其

罔有黍稷釋文云本又作粵是也元照案大甲正義

越於釋詁文詩陳風東門之枌越以礪邁箋越於正義曰越

於釋詁文又周頌清廟對越在天箋越於正義曰越於釋

詁文徐氏養原云詩魏風園有桃子曰何其箋云曰

於也正義云曰於釋詁文案于既訓於又訓曰

故曰亦訓於雖非爾雅成文而展轉相正義云曰通

訓爾雅有此例故正義以為釋詁文 正義云曰通

作聿小雅角弓見睍曰消大雅抑曰喪厥國釋文引韓

詩皆作聿元照案說文曰詞也从口欠聲又部吹詮

詞也从欠曰聲詩曰吹求厥寧曰吹正文聿通假

爰粵于那都繇於也 正義云于通吁呂刑王曰吁釋

文云馬本作于墨子尚賢引作於 繇與猷通又作由

正義詳之 陸氏佃新義云於一名而兩讀盧學士

曰古人之於字訓不因音讀之異而區別元照案爾

雅此例屢見今各就本文著之

故郃盍翕仇偶妃匹會合也 詩小雅洽比其鄰傳洽

合又大雅民之洽矣傳洽合正義曰洽合釋詁文又

周頌以洽百禮箋洽合正義曰洽合釋詁文元照案

欲郃翕洽皆从合聲可展轉通借說文恰合也从人

合聲又水部洽霑也从水合聲 正義云通作恰說文

祫大合祭也禮記注

王制

祫合也又通協堯典協和萬

邦史記作合和萬國

仇又通逌臧氏

琳

曰說文逌

斂聚也从彡求聲虞書曰旁逌屏功又曰怨匹曰逌

詩

周南關雎

君子好逌傳逌匹也正義曰逌匹釋詁文孫

炎云相求之匹詩本作逌爾雅多作仇字異音義同

也又

大雅民勞

以爲民逌傳逌合也正義曰逌合釋詁文

今爾雅作仇据孫氏注知孫本作逌

正義云偶與

耦通元照案耦正文偶通借

妃說文同又通借作

配

仇讎敵妃知儀匹也

仇亦作逌

見上

妃合會對也 詩正義十九引作配

妃媿也

詩大雅皇矣

天立厥配傳配媿也釋文云本亦作

妃正義云妃字音亦為配釋詁云妃媿也某氏曰詩

云天立厥妃是毛讀配如妃故為媿也

紹廟諱

嗣續纂綏績武係繼也

紹說文同

纂一切經

音義三引

七又十一又四十八

皆作續

詩幽風七月

載續武功傳續

繼正義曰續繼釋詁文又

大雅大明

續女維莘傳續繼也

正義曰續繼釋詁文又高崧王續之事箋續繼正義曰

續繼釋詁文

中庸續大王王季文王之業注續繼也

案說文

糸部續繼也

从糸贊聲纂非此義音近通借耳

係文選注一後

漢書

下四十一

一切經音義

三廿

引皆作系案說文系續也

係字義異正義云通作繫

𣎵𣎵𣎵𣎵慎貉𣎵𣎵𣎵𣎵密寧靜也

釋文云𣎵本或作

氣案說文𣎵訓癡氣卽今𣎵字故从米義皆不合正

義云說文作癡云靜也从心𣎵聲

𣎵通志堂本釋

文作𣎵盧學士校栞本据宋本及石經改正从𣎵案

說文

言部

𣎵行之迹也从言兮皿闕又𣎵笑兒从言𣎵

聲段氏

玉裁

曰五經文字𣎵𣎵二字音常利反上說

文下字林字林以𣎵爲笑聲音呼益反今用上字据

此則今本說文非原文矣元照案一切經音義

三十日

謚神至反說文云行之迹也从言益聲廣韵六曰謚至

神至切易名又申也說文作謚又曰謚上同此依張本

多此皆唐初人書可据以訂今本之譌說文無螯

字正義云湍通作伃說文伃靜也詩曰閼宮有伃

元照案湍謚伃湍古皆通用堯典惟刑之伃哉史

記五帝本紀作靜徐廣曰今文作謚詩周頌維天之命假以湍我

左傳襄七年引作伃廣韵七歌引作謚莊子齊物論以言其

老湍釋文云本亦作湍正義云貉與莫通又通作

漠元照案詩大雅皇矣貉其德音傳貉靜也釋文曰本又

作貉孔本作貉其正義云左傳樂記韓詩貉皆作莫

正義云說文宓靜也从宀必聲今經傳通作密

寧說文曰願詞也非此義當作寧說文宀部寧安也从

宀心在皿上安靜義相附

隕碩湮下降墜標蕭落也 釋文云墜本又作隊類篇

七下石部引作礫案說文石部礫墜今作也从石豕聲又自

隊從高隊也从自豕聲墜係土部新附字 段氏玉

曰詩標有梅廣韵引字統云合作茭落也趙岐注孟

子曰茭零落也詩曰茭有梅漢書野有餓茭鄭氏曰

茭音蕞有梅之蕞案說文有受無茭受物落上下相

付也標擊也同部假借作茭俗元照案說文受从爪

从又讀若詩標有梅則毛詩作標趙引作茭蓋从三家本又案今本孟子經注茭作萃其傳譌已久并有改其音作孚者矣 釋文云藹字或作苓案說文曰凡艸曰零釋文引作苓木曰落霑雨零也零餘雨也藹大苦也苓卷耳也是正文作零零與霑通苓藹皆假借字又案詩鄭風定靈雨旣零又鄭風零露漙兮傳箋皆訓零爲落

命令禧畛祈請謁誥告也 正義云禧通作釐漢書文帝紀祠官祝釐錢少詹曰說文禧禮吉也吉乃告之譌禧與畛祈連文畛爲致告祈爲求告禧爲禮告

皆告神之名元照案文帝紀注師古曰釐字本作禧
假借用耳賈誼傳受釐應劭曰釐音禧師古曰禧福
也借釐字爲之耳又案石經禧从衣誤正義云眡
通作眡玉篇引埤蒼云眡告也禮記曰眡於鬼神

釋文云誣沈音粹郭音碎本作訊音信石經作訊案

詩陳風墓門歌以訊之誣予不顧傳誣告也正義曰誣告

釋詁文釋文曰本又作誣音信徐息悻反又小雅雨無正

莫肯用誣箋誣告也釋文曰音信徐息悻反告也又

音碎又大雅皇矣執誣連連釋文云音信言也字又作誣

卽誣之譌陸不能辨又作誣音同禮記王制以誣馘告釋文曰本

又作諄

學記

多其諄釋文曰字又作諄音信問也莊

子

山木

恍然而諄之釋文曰本又作諄音信問也又

徐无

鬼

察士無淩諄之事釋文曰音信廣雅云問也又音

崇又音峻史記

賈誼傳

諄曰已矣李奇曰諄告也索隱

本作諄漢書亦作諄思元賦占水火而妄諄後漢書

張衡傳

作諄

章懷注引爾雅諄告也

文選作諄

李善注曰諄息對切

幽通賦

既諄爾以吉象李善注引爾雅諄告也是諄諄二文

通用已久難以訂定案說文諄問也从言平聲諄讓

也从言卒聲國語曰諄申胥今國語作諄 誥說文

同

永悠迴違遐邇闊遠也永悠迴遠遐也 悠通逴說文

部逴疾也長也从足攸聲舍人注悠行之遠也一切經音

義引迴說文同正義云詩洞酌彼行潦傳洞遠也正

義曰洞遠釋詁文元照案洞假借字 遐說文彳部

新附字臣鉉等曰或通用假字元照案說文訓假爲

至非此義當作瑕詩邶風泉水不瑕有害傳瑕遠也又二

乘舟不瑕有害傳言二子之不遠害 釋文云遐說文

古遯字案說文遯古文作遐不可云古遯字又案詩

大雅瞻印舍爾介狄傳狄遠也正義曰毛讀狄爲遯故爲

遠也

虧壞圯坼毀也

釋文云虧字又作虧案說文

部虧从

亏虐聲或从兮

釋文云壞說文云敗也籀文作𠂔

圯說文同

戾雉引延順薦劉繹尸旅陳也

釋文云戾本作矢案

戾俗字自石經以後諸本無作戾者正義云矢本或

作肆詩

大雅行葦

或肆之筵傳肆陳也正義曰肆陳釋詁

文又

周頌時邁

肆于時邁箋亦訓陳

錢少詹曰雉从矢

聲矢者陳也古文雉與夷通春秋傳五雉夷民者也

服虔云雉者夷也夷平也正義云雉聲近夷甘泉賦

列新雉於林薄服虔謂雉夷聲相近新雉卽辛夷也

秋官雍氏注雍或為夷釋文云雍一本作雉古音夷

如稊稊陳聲相轉春秋夷儀公羊作陳儀夷有陳義

故雉亦訓陳邵氏正義云器大記夷于牀注夷之言

尸也

土喪禮注同

雉即為夷夷訓為尸尸者陳也是展轉

相訓元照案說文

佳部

雉古文作𪔐又

易部

鵠或作鵠

正義云引本或作淫春官大師帥瞽而厥作匱謚注

故書厥為淫鄭司農云淫陳也元照案引淫音不相

近未可以臆定也

說文

艸部

薦獸之所食艸从薦从

艸又荐薦席也荐義較近之

說文無劉字係誤脫

竹部水部偏旁有之其訓為陳無可徵也

惠氏

棟

云周禮秋官司儀旅擯注旅讀爲鴻臚之臚臚陳之也士

冠禮旅占注古文旅作臚班固述贊曰大夫臚岱鄭

德云臚岱季氏旅於泰山是也顏監曰旅陳也臚亦

陳也臚旅聲相近元照案旅正文臚假借說文臚部臚

皮也从冎盧聲籀文省作膚說文支部敝削也从支

陳聲陳乃國名經典通以陳代敝

尸職主也尸家也案察官也漢書注刑法志文選注廿四

引采寮官也案案說文尸部新附字當作采堯典疇

咨若予采馬云官也卽取此義爾雅詁訓相屬下文

績緒采業云云亦承此文釋文云寮字又作僚一

切經音義

廿二

引作僚臯陶謨百僚師師傳云僚工

皆官也正義曰僚官釋詁文詩

大雅板

及爾同僚傳僚

官也案說文無寮僚二字疑當从宀作寮

績緒采業服宜貫公事也

釋文云服本或作艘同又

作般案艘俗字般之訓事於經典亦無徵恐亦形涉

而譌

正義云公與功同穀梁傳

宣

十年功事也元照

案詩

幽風七月

載績武功傳功事也正義曰功事釋詁文

永兼引延融駿長也

正義云兼通作養夏小正時有

養日時有養夜養長也

正義云延通作槡說文槡

木長也元照案又通挺說文

手部

挺長也从手延聲

釋文云駿或作俊又作峻案峻乃峻之省文皆从夂聲

喬嵩崇高也崇克也 說文山部新附云嵩从山从高亦从松韋昭國語注云古通用崇字元照案此文嵩崇竝出嵩字疑非本文

犯奢慄毅剋捷功肩堪勝也 釋文云慄本今作果案

說文心部無慄字石經單疏本作果 剋釋文不出

今依石經俗字也當作克說文事肩也俗又从寸作

尅尤非

下克也石經作克

釋文云堪字又作戡尚書正義

西伯戡黎

引作戡案說文

土部

堪地突也義別戡刺也从

戈甚聲又通戠說文戈部戠殺也从戈今聲商書曰西

伯既戠今本誤黎

勝肩戠劉殺克也 戠釋文不出今依石經 說文金部

鎡殺也从金畱聲無劉字

劉獮斬刺殺也 釋文云獮說文或作獮案說文犬部獮

秋田也从犬璽聲或作祿

疊疊𡗗沒孟敦𡗗釗茂劬勦勉也 釋文云疊字或作

疊案二字皆不見於說文錢少詹曰疊卽𡗗字其从

文者後人妄增石經及宋本易詩絕無作疊者廣韻

疊下重出疊字云俗此其證也周禮𡗗字先鄭多讀

爲徽徽从微省微與尾古通用周官之媼卽說文之媼詩誰侑予美韓詩美作媼媼卽媼讀若媚與今讀異豐媼古今字微訓美同訓者必同音後人讀微許歸切因讀豐爲許覲切失先鄭之旨矣古鍾鼎文眉壽字多作豐或作豐楊南仲謂豐眉古同文眉轉爲門詩鳧鷖在豐是也門又轉爲勉詩勉勉我王荀子引作疊疊是也晉書宋書凡嫌豐字皆作疊疊者豐之省隸變作疊只是一字而後人分而二之 釋文

云蠲本或作蠲說文曰蠲古蜜字案郭注曰蠲沒猶

龜勉正義云又轉爲密勿詩小雅十龜勉從事漢書

楚元王傳引作密勿又邶風黽勉同心文選注引韓詩作

密勿同心傳云密勿黽勉也是皆聲之轉元照案說

文部勿从占勿聲或从旻作𠂔是勿旻通用之徵

錢少詹謂洛誥女乃是不獲馬鄭皆訓勉說文無獲

字獲聲近孟當作孟邵氏正義王氏鳴盛尚書後案

江氏聲尚書△注皆用其說釋文云敦本今作敦

案隸變小異耳石經作敦文選注一引作惇釋文

云茂字又作懋亦作忝案說文部懋勉也从心楸聲

虞書曰時維懋哉或省作忝經典相承通用茂釋

文云勗字本作儻又作𨔵案說文無勗儻二字當作

恤說文心部恤勉也从心面聲

驚務昏瞽強也說文支部我彊也从支矛聲驚務皆假

借字釋文云瞽或作𠂔案昏瞽當作𠂔忞說文支部

𠂔彊从支民聲又心部忞彊也从心文聲周書曰在受

德忞讀若瞽今書作瞽或作𠂔者知是忞之誤也

說文弓部彊弓有力也从弓𠂔聲強乃蟲名釋蟲強蚘

乃其本義經典互用

印吾台予朕身甫余言我也朕余躬身也說文呂部躬

身也从身从呂或作躬从弓

台朕賚畀卜陽予也賚通釐詩大雅釐爾女士傳釐

予也正義曰釋詁云釐予賜也 釋文云陽音賜又

如字本或作賜

兩賜字通志堂本皆誤作賜盧本依宋本正說見龍城札記

案此

一訓兼兩義者陽賜皆通 予通與洪範正義曰畀

與釋詁文 鄭樵注云樵疑此當言台朕陽予也謂

我也賚畀卜予也謂與也以二字同文故誤耳元照

案一訓兼兩義者爾雅屢見陸佃所云一名兩讀者

是也鄭之見遜於陸矣

肅延誘薦餞晉寅蓋進也

說文_部芡進善也从芡久

聲又

_部

芡相誦呼也从厶从芡或从言秀作誘或从

言盾作誦古文作芡

說文無餞字

釋文云晉本

又作𦣻案𦣻隸變作𦣻

說文夕部

𦣻敬惕也从夕寅

聲易曰夕惕若𦣻經典相承用寅

釋文云蓋本又

作燼案燼俗字

羞餞迪烝進也

釋詁迪字凡三見訓進訓作訓道案

說文

彳部

迪道也从彳由聲又

彳部

由行由由也从彳由

聲元照謂訓進訓作者當从彳作由古書从彳从由

之字皆通用今經典由字久廢又案詩

衛風考槃

碩人之

軸傳軸進也卽此異文軸亦由聲也

詔亮左右相道也

說文言言部無詔字大徐所補十九

字之一也

亮當作諒下同

見

亦作涼詩

大雅

涼彼

武王箋涼佐也釋文曰本亦作諒韓詩作亮韓詩今

文也故從俗 釋文云道本或作導下同石經單疏

皆作導華嚴經音義引詔導也一切經音義二又六亦

引詔導也案說文寸部導引也从寸道聲

詔相道左右助勵也 詔道皆見上 說文無勵字陸

氏新義作勵案說文力部勵助也从力从非慮聲 尚

書正義益稷盤庚引作慮

亮介尚右也左右亮也 尚書正義畢命引亮佐也卽此

文案佐佑皆俗字

緝熙烈顯昭晔頌光也 晔从日俗从白 正義云頌

本亦作耿立政丕釐上帝之耿命正義云耿光釋詁文

劼鞏堅篤堅虔膠固也 釋文云劼苦黠反郭苦八反

或作砮字案說文_{力部}劼慎也从力吉聲周書曰汝劼

毖殷獻臣又_{石部}砮石堅也从石吉聲則砮是正文劼

屬假借又案郭音苦八反則字从告不从吉釋言砮

鞏也釋文砮苦角反邢疏曰砮當從告說文別有砮

石堅也字異義同案說文砮石聲从石告聲苦角切

元照案砮訓石堅此文與鞏堅同訓則當从吉爲砮

不當从告釋文載郭音而不詳字體之異失之疎矣

五經文字 硃口八反又苦角反見爾雅 徐養原曰

苦八宜从吉苦角宜从告訓固訓羣竝宜从吉釋文

之音邢疏 說文二 竺 今作厚 也从二竹聲又

之解竝非 部 管 聃也从高竹聲讀若篤經典相承用篤 擊說

文同

疇孰誰也 釋文云疇本又作臺臺字譌盧學士校改

為畺 案說文 部 畺 耕治之田也从田象耕屈之形

或省作畺隸變作疇又 部 畺 誰也从口畺又聲畺古

文畺又 部 畺 詞也从白畺聲畺與畺同虞書帝曰畺

咨据說文則此疇字當用口部之畺然畺咨字史記

作誰史公用孔氏古文以詁訓代經是畺畺二字殆

無庸過於區別

咥咥皇皇藐藐穆穆休嘉珍禕懿鑠美也 咥咥毛詩

正義二十引作往往 藐當作慤說文心部慤美也从

心𦣻聲 禕釋文石經皆从示五經文字示部禕美

也音猗說文示部無禕字此字當从衣說文在巾部衣巾偏旁通

用 陸氏新義曰禕其服之美是陸本从衣元照案禕

卽徽字詩小雅君子有徽猷傳訓美又大雅大姒嗣

徽音箋訓美正用此訓正義不知徽卽禕字故不云

釋詁文耳釋詁禕訓美徽訓善善美義同堯典慎徽

五典馬融訓善王肅訓美皆本釋詁文也攷禮記大傳

殊微號注曰微或為禕

釋文釋器婦人之幃謂之禕

釋文曰本或作禕又作微離騷忽緯繡其難遷廣成

頌微繡霍奕此通用之微

鑠文選注

四十

引作爍

案說文火部無爍字

諧輯協和也

說文

龠部龠樂龠

今本

龠也從龠皆聲虞

書曰八音克諧又龠調也从龠禾聲讀與和同今經

典相承庸諧和

輯文選注

五十

引作緝李善曰緝

與輯同

說文

部

協同心之和從彡從心彡同思之

和從彡從思協眾之同和也从彡從十古文協作叶

八作叶

關關嘒嘒音聲和也 文選注四又十五又十八引作關關嘒

嘒又八十引雍雍和也又十一引噍噍和也又四卅引邕邕

音聲和也又一五十引邕邕和也元照案楊雄校獵賦

王雉關關鴻鴈嘒嘒二語皆本諸詩今詩雝雝鳴鴈

古本必有作嘒嘒鳴鴈者嘒雝聲相近 段氏玉裁

云案說文邕四方有水自邕成今本誤城池者雝雝也

靡天子饗飲辟靡也雝隸變爲雍借爲雍和雍塞辟

雍而辟靡本字亦借爲和義又別製噍嘒壅等字

總變和也 釋文云總本又作協

從申神加弼崇重也

三
𡗗悉卒泯忽滅罄空畢罄殲拔殄盡也 釋文云卒字

或作𡗗 泯說文水部新附字疑當作汶楚詞卜居

有汶汶字史記索隱音閔諡法閔亦作愍上文啓強

也釋文云啓或作旻此民文通假之證又案詩小雅

之曷其沒矣傳沒盡也正義曰釋詁云泯盡也李巡

云泯沒之盡泯沒義同故沒爲盡也 說文缶部罄器

中空也从缶𡗗聲詩曰𡗗之罄矣又宀部窳空也从宀

至聲詩曰𡗗之窳矣是罄與窳通 畢當作𡗗說文

支部𡗗盡也从支畢聲 釋文云罄本或作𡗗案說文

缶部罄器中盡也从缶𡗗聲又心部慙慙今之也从心𡗗

聲則从心者厥義殊矣郭注曰今江東呼厥極爲罄

監本作罄誤今从邵本蓋已不辨罄慙之別矣殄說文同詩

小雅哀我填寡傳填盡釋文云韓詩作疹案殄疹皆

从殄聲偏旁通借又轉爲填填从眞聲亦相近也

苞蕪茂豐也苞羣經音辯一引作包釋文云蕪古

本作隸釋文傳古本止此一見盧學士曰隸字可疑似當依說

文作𣎵形近遂譌元照案學士說是也說文林部𣎵豐

字誤當作丰也从林爽商書曰庶艸蕃𣎵又𣎵𣎵也从

𣎵𣎵聲蕃蕪字當作𣎵有無字當作𣎵說文艸部𣎵

聲蕪卽穢字尚書今本作廡正義引爾雅亦作廡毛詩正義十三

之一引亦作廡廡字尤非 後漢書注四十引蕃蕪豐也

說文豐豆之豐滿者也从豆象形鄭氏儀禮注說豐字謂從曲聲與說文不同說文亦無曲字元照案此文豐字當从丰說文生部丰艸盛丰丰也从生上下達也

拏斂屈收戢蒐哀鳩樓聚也 說文韋部斂收束也从韋

𢦏聲讀若曾或从要作𢦏或从𢦏手作拏詩幽風四

國是適箋適斂也正義曰釋詁云適斂聚也彼適作

拏音義同又商頌百祿是適傳適聚也說文手部拏

聲又拏束也从手秋聲詩曰百祿是拏 戢正義云通作輯書輯五瑞

史記作揖元照案輯揖亦从聃聲故通用 說文

手部

按眾意一曰求也从手𢇛聲詩曰束矢其搜案按正

文通借作蒐 釋文云𢇛古字作𢇛本或作𢇛

盧本改

案說文無𢇛字𢇛義亦不合臧氏

琳

曰𢇛傳譌當作

桴說文

手部

桴引聚

今本作取從玉篇所引

也从手孚聲詩曰原

隰桴矣

大徐本脫依繫傳補玉篇引說文亦有

臧氏

鏞堂

曰詩大雅桴

之隩隩箋桴桴也築牆者桴聚壤土釋文作桴引爾

雅云聚也元照案說文桴或从包作抱俗讀抱爲薄

報反故譌而爲褻 釋文云鳩說文作𠂔正義云𠂔

通作鳩堯典方鳩僭功史記作𠂔聚布功又通作述

說文迷斂聚也引書旁迷倂功 釋文云樓从手本

或作樓非案石經單疏皆作樓說文手樓曳聚也从

手婁聲六朝俗書手木易溷又通作婁正義云詩小雅

弓式居婁驕箋婁斂也疏引釋詁云婁斂聚也徐養原曰

士喪禮牢中有寸鄭注牢讀為樓賈疏云義取樓斂狹少之意案亦當从手

肅齊遄速亟屢數迅疾也 齊當作齋離騷反信譏而

齋怒王逸曰齋疾也說文火部齋炊舖疾也从火齊聲

正義云速通作邀案邀籀文速元是一字不可言

通 正義云亟通恆說文恆疾也从心亟聲 正義

云屢當作婁釋言婁亟也元照案屢係說文新附字

釋文此作屢釋言作婁石經皆作屢 速迅說文同

逮駿肅亟遄速也

釋文云逮本或作逮

盧本改作逮非

案說

文

止部

逮疾也从止从又又手也中聲又案

六部

逮居

之速也从宀逮聲

正義云駿又通逡邢疏引禮記

大逡奔走注逡疾也

詩駿奔走大傳注引作逡

元照案說文

久部

交行交交也从夂允聲駿逡皆从交聲也

釋文云

亟字又作苟

通志堂本作急盧本据宋本改

同經典亦作棘案說文

苟自急救也从苐省从包省从口古文作苟敬字从

此棘急通用見釋言

壑阮阮滕徵隍濂虛也

釋文云壑本或作窾案說文

部叔 叡溝也从叔从谷讀若郝或从土作壑又叡坑也

从叔从井井亦聲元照疑此文當作叡郊特牲水歸于壑注壑猶

也坑 鄭樵注云阮有二文無義其一為衍者耳臧氏

琳 曰經傳不見阮阮之語廣韵十二庚阮字下引爾

雅曰虛也類篇四下叔部壑字下引阮虛也 郭璞云阮壅也引經注

阮字不重則鄭謂衍者是也又說文水部沆莽沆大水

也从水亢聲一曰大澤兒是作沆有大義大者多虛

或其一作沆 釋文云漣字又作軟方言作簾郭云

本或作荒案詩大雅召旻我居圉卒荒箋荒虛也正義曰

荒虛釋詁文某氏曰周禮云野荒民散則削之唯某

氏之本有荒字耳諸家爾雅則無之元照又案說文

水部漣水虛也从水康聲又欠部歉飢虛也从欠康聲又

艸部康屋康實也从艸康聲又禾部稊虛無食也从禾荒

聲孔氏謂諸家無荒字蓋未審荒卽漣之異文耳

漣亦通康詩大雅賓之初筵酌彼康爵箋康虛也此亦一

訓兼兩義者

黎庶烝多醜師旅衆也洋觀哀衆邶多也一切經音

義七又引作蒸哀當作攄見上釋文云刊本或作

𠂔案說文多部無𠂔字一切經音義九又引洋湓

也

流差東擇也

說文

林部

楸从林从沝篆文从水作流經

典相承用篆文

東文選注

三又六又九又二十又廿一又廿四又三十六

又三十七引皆作簡詩

邶風

簡兮簡兮箋簡擇案說文

東部

束分別簡之也从束从儿則束簡可通用

戰慄震驚竦恐懼也

慄俗字古作栗

竦文選

注

五十

引作聳左傳

昭六年

聳之以行杜預曰聳懼也

正義曰釋詁文也彼作竦音義同案說文

心部

慄懼也

从心雙省聲春秋傳曰駟氏慄

今本作聳

又慄懼也从心

從聲讀若竦

今本誤慄

聳竦音同竦又訓敬義亦相附故

皆通用

惛通疊詩

周頌時邁

莫不震疊傳疊懼正義曰

釋詁文彼疊作𦵏音義同案說文𦵏讀若疊

痛瘡𦵏

廟諱

黃劬勞咎頓瘡痲癰瘰癧瘰癧瘰癧

逐疝痲瘡癰瘰癧瘰癧病也

釋文云痛瘡詩作鋪屠

案詩

大雅江漢

淮夷來鋪傳鋪病也正義曰鋪病釋詁文

彼鋪作痛音義同

正義云𦵏毛詩釋文云說文作

瘰案釋文於瘡字下別出瘰字爲之作音又云今經

注無此字意爾雅舊本必有作瘰瘰者陸旣定作𦵏

字復別見瘰字於後偶失檢也元照案毛詩釋文曰

𦵏說文作瘰瘰說文作瘰所謂說文作其者必許君

所引與當時本異始引以爲證今說文於疒部禿部

竝未嘗引我馬廼隤陸但以廼瘠音近聊復云然耳
至隤隤二文音義竝同皆見於說文又何以知說文
之不从自乎 勛說文力部新附字 釋文云頓字
或作倅案又通瘁詩無小雅雨憺憺日瘁傳瘁病也又
維躬是瘁箋瘁病也又四盡瘁以仕箋瘁病也釋文
曰本又作萃下篇同又大雅瞻印邦國殄瘁傳瘁病也正
義曰瘁病釋詁文案說文尸部無瘁字 釋文云瘞
字亦作勲案勲卽勤之俗體 錢少詹曰戮當爲瘵
集韻瘵有戮音瘵者病之瘵也元照案戮瘵皆从麥
聲故通借瘵之訓病與瘵瘥一例 釋文云瘵詩作

鼠案說文無癩字

釋文云癩郭作拘攣案此言郭

本作攣也文選注

十一切經音義十一引作攣說文

部無癩字錢少詹曰當作攣攣者瘦之病也詩棘人

欒欒兮說文引作攣攣

說文無痠字當作悝說文

部悝喘也从心里聲一曰病也毛詩省作里 釋文

云痠本作痠正義曰痠通祇又詩

小雅何人斯

俾我祇也

傳祇病也

徐養原曰桑柔多我觀瘠箋云瘠病也案說文無瘠疑卽痠字蓋从疒昏省聲也或

作瘠亦通昏本从氏省無將大車與塵叶是其明證白華與卑叶則當用何人斯之祇

逐邢

疏云

說文無痠字當作痠說文

部

痠貧病也从

久聲詩曰熒熒在久

說文無痠字

正義云痠

通腓詩小雅四月百卉具腓傳腓病也案痲正文腓通借

說文無瘰字當作瘰說文瘰勞病也从疒單聲詩大

板下民卒瘵傳瘵病也正義曰瘵病釋詁文釋文作

瘵云本又作瘵沈本作瘵說文無瘵字臧氏琳曰

公羊傳莊二大災者何大瘠也釋文瘠本或作瘠一

本作漬鄭注禮記曲禮高誘注呂覽貴引公羊皆作

漬是古本也痛瘡瘡底疵瘵瘵說文同

恙寫惺肝絲慘恤罹憂也正義曰惺通憇說文楚頌

之閒謂憇曰憇从心𡗗聲元照案又省作里詩大雅

云如何里箋里憂也正義曰釋詁文彼里作惺音義

同 釋文云肝本或作忤案說文心部忤𢇛也从心𠂔

聲讀若吁詩周南卷耳云何吁矣傳吁憂也 正義云慘

當作燥說文燥愁不安也元照案當作慤說文慤痛

也从心替聲慘毒也从心𢇛聲義別音同 正義云

恤說文作卹憂也元照案說文血部卹𢇛也从血卩聲

又心部恤𢇛也收也从心血聲則說文非無恤字 罹

俗字左傳正義廿三引作離案詩王風兔爰逢此百罹傳罹

憂也釋文曰本又作離又小雅斯干無父母詒罹傳罹憂

也釋文曰本又作離又小弁我獨于罹釋文曰罹本作

離又四月亂離瘼矣傳離憂也 憂當作𢇛說文心部𢇛

愁也从心从頁又久部憂行之和也从久息聲詩曰布

政憂憂經典相承以優代憂以憂代息而息字遂廢

倫勩邛敕勤愉庸瘁勞也 釋文云勩字或作勩通志堂本

誤作勩盧本 亦作肄案說文力部勩勞也从力賁聲詩

曰莫知我勩又案詩抑風既貽我肄傳肄勞也正義

曰釋詁文爾雅或作勩孫炎曰習事之勞也据此則

孫本作肄肄係通借字勩係譌體 釋文云敕本又

作飭元照案當作勩說文力部勩勞也从力來聲後人

誤讀恥力反與敕同音又因形近遂相承通用敕飭

音同故又譌爲飭 郭注云愉今字或作窳案一切

經音義七引

九又十又十一又十四又十五又十七又十九

皆作窳

釋文

云瘳本或作憚案詩

小雅大東

哀我憚人傳憚勞也正義

曰憚勞釋詁文又

小

憚我不暇傳憚勞也又

大雅雲漢我

心憚暑傳憚勞也正義曰憚勞釋詁文瘳正文憚通借

勞來強事謂翦篲勤也

釋文云來本又作勑本或作

賚案勑賚皆從來聲故通用又案此與上文相承可

證上敕字之譌

強當作彊

見前

說文刀部有勑字

从刀𠂔聲羽部有翺字从羽𠂔聲音同義異隸變皆溷而爲翦爾雅之翦於刀部羽部未知何屬 釋文

云箒本又作彗

徐氏養原曰大戴禮五帝德幼而彗齊又史記彗作徇裴氏訓徇為疾疾

有勤意當卽爾雅之彗也

悠傷憂思也

釋文云傷字書作傷案說文

部傷憊也

从心殤省聲經典相承以傷代傷

憂當作憊

見上

懷惟慮願念怒思也

怒通憊詩

召南汝墳

怒如調飢釋文

曰韓詩作憊案說文

部

憊憊兒从心弱聲讀與怒同

祿祉履戩祓禧禔祐福也

郭注引詩祓祿康矣毛詩

作苐傳苐小也箋苐福也箋義卽取諸此苐祓古今

字也郭所据蓋三家本苐與苐通苐小釋言文孔疏

以傳箋皆無正訓殆於雅訓未之審也

禧與釐通

見前

禋祀祠蒸嘗禴祭也 釋文云嘗字又作常案常假借

字 釋文云禴字又作禴案說文有禴無禴

儼恪祇翼諶恭欽寅煥敬也 儼通嚴詩商頌有嚴有

翼傳嚴敬也正義曰嚴敬釋詁文 說文心部窻敬也

从心客聲春秋傳曰以備陳三窻臣鉉等曰今俗作

恪 祇說文同 釋文通志堂本 說文忝部翼勗進翼

如也从忝翼聲經典相承用翼 諶左傳正義六引

作禋詩大雅克禋克祀傳禋敬也正義曰釋詁云禋

祭也則禋是祭之名又云諶敬也義得相通故以禋

爲敬也元照案說文言部無謹字

漢書以龔代恭

案當作龔說文

部

龔慤也从十龍聲

寅當作龔

見前

文選注

卅六

引作龔

說文

部

難敬也从心難聲楚茨

詩作煥者古字假借

朝旦夙晨峻早也

說文

部

夙早敬以夙持事雖夕不

休早敬者也臣鉉等曰今俗書作夙譌古文作𠂔又

作𠂔

晨乃晨之或體非此義當作晨說文晨早昧

爽也从日从辰辰時也𠂔夕爲夙曰辰爲晨其意相

同 峻說文日部新附字錢少詹曰書夙夜浚明有

家史記作蚤夜翊明有家則浚與翊義同釋言翌明

也則浚亦有明義浚卽浚之異文 早經典或借用

蚤字

頤 𡗗替戾底止俟待也 頤說文同經典相承用須尚

書正義

臯陶謨

引作須

釋文云𡗗字又作俟亦作𡗗

毛詩正義

齊風

引作俟一切經音義五引

四又十五又十六又十七

又卅九

皆作俟案說文

立部

俟待也从立矣聲或从巳作

𡗗其作𡗗者乃𡗗之譌俟乃通借字說文

人部

俟大也

經典相承用俟

釋文云底之視反字宜从厂或作

底非也底音丁禮反石經亦从厂案說文

广部

底山居

也一曰下也从广氏聲又

厂部

底柔石也从厂氏聲或

从石作砥此與釋言底致也皆當从广陸以今音區別字體甚誤 溪說文同

噉幾裁殆危也 噉說文同

𪗇汽也 左傳正義昭廿年引作汽幾也詩大雅民勞汽可小

康傳汽危也箋汽幾也皆用雅訓箋申傳非易傳也

說文豈部𪗇𪗇也訖事之樂也从豈幾聲臣鉉等曰

說文無𪗇字从幾从气義亦無取當是訖字之譌

汽文選注卅四引作迄案迄說文𠂔部新附字 气隸

變作气經典承用已久獨此汽字偏旁釋文石經皆

作气

治肆古故也肆故今也 鄭樵注云治疑為始錢少詹

曰古文治與始通尚書在治忽史記夏本紀作來始滑

漢書律歷志作七始詠是治即始字始者故也徐氏養原曰般

庠序疏束皙云尚書序般庠五遷將治毫般孔子壁中尚書云將始宅般治即始字又一證也孔氏謂安

國古文治皆作亂其字與始不類無緣誤作始字豈其然正義云詩大雅肆不

殄厥愠傳肆故今也又抑肆皇天弗尚箋肆故今也

元照案大明詩肆伐大商箋肆故今也俱以故今連文元照案郭意肆

訓今故亦訓今其讀乖於師法

惇亶祐篤擊仍胝埤竺腹厚也 釋文云惇字又作惇

緣變小異正義云惇通作敦元照案惇說文訓厚敦義異

亶通儼詩

大雅桑柔

逢天儼怒傳儼厚也正義曰儼亶

音相近義亦同釋文曰本亦作亶又通單詩

周頌昊天有成

命

單厥心傳單厚

篤當作簣

見前

仍釋文云本或

作扔案當作訖說文

言部

訖厚也从言乃聲仍扔二字

說文皆訓因

𦵏釋文云本或作脾案說文𦵏或作

𦵏詩

小雅采菽

福祿𦵏之傳𦵏厚也釋文云韓詩作𦵏𦵏

脾音相同耳又通𦵏詩

小雅節南山

天子是𦵏傳𦵏厚也

釋文曰王作埤

𦵏釋文云字又作篤案篤係假借

字

見前

鄭樵本誤作竺其注曰古文工與馬同其言妄

矣腹說文同

說文

五下

𦵏厚也从反𦵏又厚山陵

之厚也从𠂔从厂厚薄字當作𠂔其字久廢厚之隸變爲厚

載謨食詐僞也 此亦一訓兼兩義者僞與爲通詳正義

話猷載行訛言也 此亦一訓兼兩義者 猷釋文云

字亦從才 訛釋文云字又作吡亦作譌案說文言部

譌譌言也从言爲聲詩曰民之譌言吡字訓動非此

義言部無訛字譌之作訛猶古貨字作𧵒說文俗花

字之作譌也

邁逢遇也 說文同

邁逢遇選也 選釋文云字又作迂案說文午部悟逆也

从午吾聲悟與選通迂俗字 漢書注叙傳下引鄧展

云爾雅曰寤逢遇也元照案寤卽選字又通晤詩陳風

東門之池可與晤歌傳晤遇也列女傳賢明引可與卽本

此訓正義不知晤選同字故不云釋詁文抑風柏舟

說文日部引作晤辟

邁逢遇選見也 詩召南亦旣覲止傳覲遇又幽風我

覲之子箋覲見也正義曰覲見釋詁文又小雅裳我

覲之子箋覲見也又車輦鮮我覲爾箋覲見也又大雅

劉乃覲于京傳覲見也正義曰覲見釋詁文又抑莫

予云覲傳覲見也正義曰覲見釋詁文左傳正義廿六云爾雅訓

觀為元照案說文見觀見也从見莧聲

顯昭覲釗覲見也 覲說文見部新附字心部愉字下引論語私覲

亦係傳譌疑古作賣說文貝部賣衍也从貝裔聲裔古文睦

讀若育與買賣字从出从買者別

監瞻臨泣覲相視也 監釋文云字又作瞻案說文臥

監臨下也从臥眴省聲又目監視也从目監聲則瞻

義更切 泣當作隸案說文立部隸臨也从立隸聲經

典相承作泣或作莅皆俗體 覲俗本誤作類一切經音

義十二引作眺

鞠訥湓盈也 臧氏鑄堂曰詩小雅節南山降此鞠訥傳曰

鞠盈訥訟也知訥不詰盈也殆因郭注引降此鞠訥

正文因而衍訥字耳 鞠字誤辨見釋言

孔魄哉延虛無之言閒也

瘞幽隱匿蔽竄微也

訖徽妥懷安按替戾底底尼定曷遏止也 訖說文同

說文無妥字 釋文云底丁禮反底之視反石經

上作底下作底

底字上半殘剝未知有、否

元照案說文

底山部

居也一曰下也从广氏聲又厂部底柔石也从厂氏聲

或从石作砥广厂兩部無从氏之字釋文之底石經

之底皆譌體

左傳

昭廿九年

物乃坻伏杜預曰坻止也

正義曰釋詁文也元照案說文

土部

坻小渚也詩曰宛

在水中坻从土氏聲非此義當作坻說文坻箸也从

土氏聲箸與止義同底下一字乃坻之譌

底下一字俗本作廢

誤九

豫射厭也

射釋文云字又作斂案說文

攴部

斂解也从

攴畢聲詩云服之無斂斂獸也一日終也攷葛覃傳

曰斂厭也正義曰斂厭釋詁文彼斂作射音義同又

魯頌

思無斂箋斂厭也正義曰斂厭釋詁文又案禮

記

緇引葛覃詩作射周頌

振

在此無斂禮記

中庸

引亦

作射斂射古今字也

厭石經單疏本皆作獸案說

文部

獸

獸飽也从曰从狀或从弓作獸獸訓竿與獸義

異當從石經釋文於毛詩葛覃傳作獸云本亦作厭

不能定所從也

惠氏棟

曰古豫序同字而豫又讀

爲榭榭古作射是豫卽射也故同訓豫本訓樂厭樂

之極也

錢少詹曰豫與射古文通鄉射禮豫則鉤

楹內注豫讀如成周宣榭災之榭今文豫爲序孟子

序者射也序之名取於習射古文或爲豫亦讀如榭

說文無榭字則臺榭字亦當爲射蓋因習射以得名

也詩于邑于謝潛夫論引作序則序與謝亦通矣豫

射文殊而義同故同訓獸也釋言豫敘也郭注亦未

了若知豫爲序之古文皆从予得聲則豫之爲敘昭然察矣

烈績業也績勲功也 烈文選注廿六引作列

功績質登平明考就成也

桔梗較頰庭道直也 桔通覺詩大雅抑有覺德行傳覺

直也正義曰釋詁云桔較直也與覺字異音同禮記

緇引詩作桔 說文無較字當作較 正義云頰通

作挺左傳襄五年周道挺挺杜云挺挺正直也又通作

挺禮記曲禮下鮮魚曰挺祭注挺直也元照案頰挺皆

从廷聲說文肉部無挺字

密康靜也

密當作宓

見前

豫寧綏康柔安也

寧當作寧

見前

平均夷弟易也

正義云說文

彳部彳彳行平易也从彳夷

聲

弟左傳正義

三十引作悌

矢弛也

臧氏

琳

曰說文

弓部

弛弓解也从弓从也又

於部

施旗兒从於也聲齊樂施字子旗知施者旗也徐鍇

曰旗之透迤一曰設也凡延及陳設義當作施凡廢

解義當作弛古書既互通俗人又多亂之詩

大雅

矢

其文德傳矢施也釋文云施爾雅作弛正義云矢施

也謂施陳文德定本作弛字非也禮記

孔子

詩云弛

其文德注弛施也釋文云弛其皇作施又云弛施也
皇本作施布也据此知爾雅禮記作弛皆施之通借
當從詩傳作施禮記注弛施也此非訓弛爲施言弛
爲施之假借也郭注訓放失其旨矣

弛易也 釋文云弛易施李音尸紙反下音亦顧謝本

弛作施并易皆以鼓反元照案詩

大雅皇矣

施于孫子箋

施猶易也延也又禮記

孔子居

施及四海注施易也則

顧謝本是也假借作弛耳

希寡鮮罕也鮮寡也

說文

禾部

稀疏也从禾希聲徐鍇

曰說文無希字當言从攴从巾無聲葦晞皆當从稀

省元照案口部唏从口稀省聲此許氏元文 罕从
网凡从网者隸變皆作𦉳獨罕字从𠂔 鮮文選注
十引作𦉳乃𦉳之譌體通借作鮮說文是部𦉳是少也
𦉳俱存也从是少賈侍中說

酬酢侑報也 酬一切經音義八引作醕案說文部酉醕

从酉鬲聲或从州作酬醕卽醕之隸變 酢當作醋

說文部酉醕客酌主人也从酉咎聲又酖醖也从酉匕

聲二字聲同故醋亦作酢儀禮注曰古文醋作酢後

人竟互易之 侑釋文云本或作宥案說文人部無

侑字据左傳僖廿五年王饗醴命之宥則作宥可也然說

文訓宥爲寬則亦非本義周官大享右祭祀鄭君讀
右是古文作右也

毗劉暴樂也 毗釋文云樊光本作庇云陰也正義曰

說文云毗緣廢也樊本作庇訓蔭與暴樂之義無涉
作毗是也元照案庇毗皆从比聲樊本作庇訓蔭與
暴樂之義正合古訓與後之循文解義者不同說文
訓毗爲人臍部邵所引亦誤 釋文云暴樂本又作

爆爍毛詩正義大雅引作爆爍案爍說文火部新附

字 說文部暴晞也从日从出从卂从米與彊暴字

从本者別今俗作曝 樂本禮樂字此當作落桑柔

釋文

樂本又作樂或作落

覲髮弗離也

說文

見部

類篇

髮部

引皆作弗

蠱諂貳疑也

諂釋文云字

或作惛案說文言部無諂

字郭注引左傳天道不諂

京七年

彼釋文云本又作滔

盧學士曰釋文諂沈勅檢反是沈本作諂从旨則

不得讀勅檢反矣元照案諂無疑義魏晉人不辨旨

旨之分故誤音勅檢反陸氏不爲之申明異同殊失

之疎

楨翰儀榦也

楨左傳正義

廿五

引作楨其引舍人注亦

作楨案楨字恐譌

正義云儀說文作樣云榦也从

木義聲 榦釋文云本又作榦又作榦案榦俗榦字作榦則與上複出

弼棐輔比備也 正義云弼通作卽說文云卽輔信也

从卩比聲虞書曰卽成五服又通作佛周頌敬佛時

仔肩箋佛輔也孔疏云鄭讀爲輔弼之弼 比通毗

詩小雅節南山天子是毗箋毗輔也 詩唐風杜胡不比焉

箋比輔也正義曰比輔釋詁文彼輔作備

墻界邊衛圉垂也 墻釋文云字又作墻經典作疆假

借字案說文部疆畛也从畛三其畛畫也或从弓从

土作疆陸以疆爲假借字非也墻俗 圉通圉說文

卒部囹圄所以拘擧人从卒从口一曰圉圉也又口

囹圄守之也从口吾聲二字音義皆同故囹圄亦作囹

圉 垂一切經音義廿五引作陲

昌敵彊應丁當也 應釋文云本或作膺詩魯頌閟宮戎狄

是膺傳膺當正義曰膺當釋詁文案說文心部膺當也

从心雁俗作鷹聲膺假借 此亦一訓兼兩義者陸氏

新義曰當一名而兩讀

淳肩搖動蠡迪俶厲作也 說文水部無淳字當作孖

說文出部孖字孖也孖艸木孖孖之兒从出人色也論語曰色孖

如也又作艸說文色部艸色艸如也从色弗聲論語曰

色艷如也今論語作勃者通借字 迪當作徇見錢

少詹曰說文妯動也迪妯文異義同

茲斯咨些已此也 茲不从艸 錢少詹曰些與茲斯

咨已同訓此皆語絕之詞楚詞招魂些字卽些之異

文說文口部些苛也又此部些窳也紫識也是許君以紫

爲楚些字卽爾雅些字也

嗟咨嗟也 說文言部謦咨也一曰痛惜也从言𠂔聲隸

變作嗟 嗟釋文云本或作𠂔字林云皆古嗟字案

二字皆不見於說文陸佃新義本雪牕書院校刊本

皆作𠂔當從之𠂔𠂔之省𠂔𠂔之省徐養原曰漢書

眭孟傳漢帝宜

誰坐天下求索賢人孟康曰誰問差擇也案誰差猶屬吝差與𡵚古蓋通用

𡵚𡵚皆从

差聲故同訓

閑狎串慣習也

說文

心部患𡵚也从心上貫叩叩亦聲

非別有串字而患又从串聲也俗書省患為串已失

其旨又與患判為二文尤非矣一切經音義

九又十七又十

八引舍人注曰串心之習也則舍人本作患可知矣

詩

大雅皇矣

串夷載路傳串習也釋文云一本作患又集

韻

三十諫

串源爾雅習也或作源 慣釋文云本又作

貫又作遺案說文

彳部

遺習也从彳貫聲又

手部

損習也

从手貫聲春秋傳曰損瀆鬼神今左傳作貫又案詩

齊風猗嗟射則貫兮箋貫習也正義曰貫習釋詁文左傳

正義二引亦作貫貫省文慣俗字諸本無作慣者

曩塵佇淹留久也 佇釋文不出今依石經案說文人

部無佇字詩燕燕佇立以泣釋文从立正義文選注

一引爾雅亦作竚竚亦俗字也說文部心簠簠箸也从

心簠聲當云簠箸卽峙俗作峙躊躇峙踟躕不前久之義

也箸古又通宁詩齊風俟我于著傳云門屏之間曰

著今爾雅釋宮作宁左傳襄取我衣冠而褚之一

切經音義四引作貯呂覽樂成亦云我有衣冠而子產

貯之又鄭注周禮有褚藏字釋文曰褚本或作貯又

作褚阮照案籀褚宁古今字貯亦俗字箸隸變著作
逮及暨與也 逮通隶說文_三隶及也从又从尾省又

持尾者从後及之也又通隸說文

_{隶部}

隸及也从隶泉

聲詩曰隸夫之未陰雨

暨當作泉說文

_{隸部}

泉眾詞

與也从𠂔自聲虞書曰泉咎繇今經典通以暨代音
近而義不同也唯漢書尚存舊文

隲假格陟躋登陞也

說文假假皆訓至故又同訓登

格假古今字

躋說文同詩

_{廊風}

朝躋于西傳躋升

又

_{曹風}

南山朝躋傳躋升正義曰躋升釋詁文案說

文自部無躋字偏旁相涉而誤

錢少詹曰陞當爲

升詩陟彼崔嵬君子攸躋傳皆訓升陞俗字元照案

詩大雅昭假無贏箋假升也正義曰假升釋詁文又

商頌湯孫奏假箋假升正義曰釋詁文尚書正義舜典

毛詩正義之十九引陟升也左傳正義八引躋升也又

詩秦風道阻且躋傳躋升也皆無作陞者華嚴經音

義入法界品引登昇也一切經音義廿五引陟昇也昇亦俗

字

揮盞歇涸渴也 說文水部漉浚也从水鹿聲或从彖作

淥皿部無盞字郭注引月令毋漉陂池釋文不云或

作盞則郭本殆不作盞也類篇十一引作盞亦係譌

字 渴釋文云本或作竭石經作竭集韵屋引亦作

竭案說文部木渴盡也从水曷聲立部之竭訓爲負舉

今經典以竭代渴而以渴代飢漱字

拒拭刷清也 說文𢶏部又搯部手二文皆訓拭然手部無

拭字是傳寫之譌案手部有拈字訓搯从手市聲知

搯注拭字乃拈之譌拈搯二字互相爲訓許書每如

此後人罕見拈字故誤作拭爾雅拭字亦當爲拈

刷釋文云字又作𢶏案說文部又𢶏拈今誤从又持巾

在尸下又部刀刷刮也从刀𢶏省聲禮布刷巾

鴻昏於顯閒代也

饁饁也 饁釋文云本或作餽案說文饁餉田也饁

餉饁也饁餉也則饁乃本字吳人謂祭曰餽从食从

鬼鬼亦聲與饁義異經典相承通用

遷運徙也 說文徙从彳止聲凡从彳之字隸變皆作

之獨徙字不然徐養原曰從字徙字亦此例

秉拱執也 正義曰拱通共詩商頌受小共大共箋共

執也元照案詩大雅抑克共明刑傳共執正義曰釋詁

文彼共作拱又韓奕虔其爾位傳共執也正義曰釋詁

文彼共作拱

廡熙興也 正義云鄭注樂記云興之言喜也歆也正

義引爾雅作歆喜興也元照案說文廡讀若歆凡許君所言讀若者皆通用字也熙喜字亦通故饕字或作飢

衛蹶假嘉也 錢少詹曰衛當作禕禕與嘉同訓美故

禕亦有嘉義正義曰衛通作偉莊子大宗師偉哉造物

向秀云偉美也淮南精神偉哉造化高誘注偉哉猶美

哉元照案衛禕偉皆从韋故通借正文當作徽見前

正義云詩周頌維天之命假以溢我說文引作譏云譏嘉善

也假譏聲之轉

廢稅赦舍也 廢釋文云字亦作廢案說文部廢屋頓

也从广發聲又部癡固病也从广發聲二字義異此

當从广正義云稅通說郭注引召伯所稅今作說

詩釋文云本或作稅元照案詩大雅女覆說之傳說

赦也舍一切經音義五引作捨案說文手部捨釋也

从手舍聲又部舍市居曰舍从亼中象屋口象築也

則捨爲正文經典相承從省去手耳

棲遲憩休苦歛歟咽息也說文上十二圖鳥在巢上象

形或从木妻作棲石經作棲誤遲籀文遲見說文

憩石經作憩釋文云本或作惕案詩大雅民勞汽可小惕

傳惕息正義曰惕息釋詁文說文部惕息也从心曷

聲臣鉉等曰今別作憩非是又說文尸部眉臥息也从

尸自正文當用眉憩憩皆俗字俗又作憩 𠂔釋文云字

林以為喟孫本作快又作噴案說文口部喟大息也从

心胃聲或从𠂔作噴說文無𠂔字蓋卽艸部之蔽艸部

蔽艸也从艸𠂔聲𠂔聲二字蓋誤 蔽隸變作蒯與噴通左傳屠蒯禮

記作杜蕢此其例也孫本作快與噴聲相近徐養原曰姚氏

文田云耳部聾或作聾知噴𠂔同字案古人多以蒯聾為名者蒯聾者蔽聲也蔽聲者噴聾也聾聲同字

噴蔽古通𠂔則說文所無自不必補 咽通堅詩大雅假樂 民之攸堅傳堅

息也正義曰釋詁云咽息也某氏曰詩云民之攸堅

則堅與咽古今字也 此亦一訓兼兩義者棲遲休

苦是止息眉喟黷咽是氣息

供峙共具也

峙俗字詩

周頌臣工

庠乃錢鋪傳庠具也正

義曰庠具釋詁文案說文

部

庠儲置屋下也从广寺

聲又通峙詩

大雅崧高

以峙其粳

說文

其部

茲同也非此

義當作龔說文龔給也从其龍聲

正義云文選注

引郭舍人云其具物也倂具事也是舍人本峙作倂

說文倂待也儲倂也元照案鄭注攷工記引詩庠乃

錢鋪作倂又國語

周語中

倂而畚揭韋昭注倂具也

懔憐惠愛也

說文

心部

恣惠也从心先聲又

久部

愛行兒

从久恣聲二字義異經典相承以愛代恣

娠蠢震難妯騷感訛蹶動也 詩大雅思齊 大任有身傳身

重也箋云謂懷孕也元照案身與娠同重與動同

說文 足部 蹶動也从足辰聲通借作震 詩小雅菀柳 上帝

甚蹈傳蹈動也案蹈即妯字妯蹈聲相近古从由从

百之字多通用詩左旋右抽說文引作搯可徵 徐養原曰

楚策上天甚神神 說文 心部 惛動也从心蚤聲騷亦

蚤聲又訓擾故通用 說文口部 吡動也从口化聲言

部無訛字 詩小雅正月 天之扝我傳扝動也疑扝與蹶

通

覆察副審也

契滅殄絕也 契釋文云字又作挈廣韵十六引作契

案說文部契刻也从木从契挈皆通借字廣韵所

引是也又借用缺左傳定九年缺其軸

郡臻仍廼侯乃也 正義云郡通窘詩小雅正月又窘陰雨

箋窘仍也元照案漢書叙傳窘世薦亾師古亦訓仍

漢書乃字作廼案說文部廼驚聲也从廼省廼聲

或曰廼往也讀若仍許君言讀若者皆通用字廼與

仍通故漢書以代乃字廼隸變體

迪繇訓道也 迪說文同 繇當作邈見前又通猶詩小雅

采克壯其猶傳猶道也又斯無相猶矣傳猶道也正

義曰猶道釋詁文又小謀猶回通箋猶道又不我告

猶傳猶道也又哀哉為猶傳猶道也又巧言秩秩大猷

箋猷道也又角弓君子有微猷箋猷道也又大雅板為猶

不遠傳猶道也正義曰猶道釋詁文彼猶作繇義同

也又抑遠猶辰告傳猶道也正義曰猶道釋詁文彼

猶作繇又周頌訪落繼猶判渙傳猶道正義曰釋詁文禮

記禮器匪革其猶注猶道也正義曰猶道也釋詁文

鄭注周禮地官序官土訓引鄭司農云訓讀為馴爾雅云訓

道也元照案据司農之注則司農讀雅為馴說文馬部

馴馬順也从馬𠂔聲訓馴皆从𠂔音義皆同又通循

說文彳部循行順也从彳盾聲 道釋文云如字或徒

報反非案此亦一訓兼兩義者不可謂徒報反之音
爲非又臯陶謨允迪厥德傳迪蹈正義曰釋詁文迪
道也聲借爲導導音與蹈同故迪又爲蹈也

僉咸胥皆也 僉咸說文同

育孟耆艾正伯長也

艾歷也歷秭算數也 算釋文云字又作筭一切經音

義三引作筭案算筭音義皆同 正義云算與撰選

義通繫辭雜物撰德釋文云撰鄭作算云數也詩邶

柏舟不可選也傳訓數後漢書注朱穆傳引詩作算盤康

世選爾勞傳選數也 此一訓兼兩義者釋文云數色具反謝色主反

歷傳也 正義云說文傳相也歷訓爲傳猶下云歷相也元照案邵說是也郭以傳近訓之似未審上下文義

艾歷覲胥相也

覲釋文云字又作脈案說文

部脈

視也从辰从見籀文作脈

部

脈目財視也从目辰聲

則覲脈音義同从因無義脈必脈之譌

文選注

十一

引爾雅曰脈相視也郭璞曰脈脈謂相視貌

廿九五十九所

同引又嘗引胥相也疑李善所見本是艾歷胥相也脈

相視也 此一訓兼兩義釋文云相息羊反讀者或

息亮反今不用元照案不用息亮反則覩字不可解

父亂靖神弗湣治也 父釋文云字又作雙亦作刈案

說文

辟部

雙治也从辟父聲虞書曰有能俾雙又雙治

也从辟从井周書曰我之不彛是雙彛二文皆可用

又通忝說文

心部

忝懲也从心父聲其作父者雙之省

文刈者父之或體又通借作艾詩

小雅小旻

或肅或艾傳

艾治也

亂與衡同說文

受部

衡治也么子相亂受治

之也讀若亂同一曰理也又

乚部

亂治也从乚治之

也从衡

靖當作埴說文

土部

埴治也从土爭聲 正

義云詩

小雅節南山

維禹甸之傳甸治也周禮注

地官曰稍人曰

甸讀如維禹隳之之隳韓詩甸作隳古者甸隳聲同

陳又轉爲神其義同也

弗當作莠詩

大雅生民

莠厥豐

草傳莠治也正義曰莠治釋詁文又通撥詩

商頌長發元

王桓撥傳撥治卽此文也蓋弗與祓通生民詩以弗

無子弗卽祓也古友發偏旁通借詩鱸鮪鰕鮓說文

作鮓鮓此其徵也

渥通屈詩

魯頌泮水

屈此羣醜箋屈

治正義曰釋詁文彼屈作渥某氏引此詩是音義同

也渥說文同郭注云渥書序作汨音同耳案說文

汨治水也从水曰聲與汨羅字从冥省聲者別釋文

作汨从日音古沒反非也

頤艾育養也 說文頤篆文臣 正義云艾通父書

三稷

萬邦作父鄭注父養也 育通鞠書

盤庚下

鞠人鄭注

鞠養也詩

小雅蓼莪

母兮鞠我傳鞠養也皆取此訓釋言

鞠生也詩序箋

衛風有狐

禮記注

中庸

皆曰育生也又釋言

鞠稚也詩傳

邶風谷風

云育稚也正義曰育得兩訓故釋

言爲稚釋詁爲長又詩傳

豳風鴝鵒

云鬻稚也正義曰釋

言云鞠稚也郭璞曰鞠一作毓是鬻爲稚也案說文

去部

育養子使作善也从去夙聲虞書曰教育子或作

毓是鞠鬻皆通借字

正義曰育通鬻又省作粥夏

小正曰粥也者養也秋官修閭氏與其國粥注粥養也

沃渾隕墜也 沃釋文云姑犬反顧徒蓋反字宜作沃

案說文有沃無沃顧音是也 墜當作隊

見前

際接彘捷也 正義云際通療詩小雅苑柳無自療焉箋療

接也 彘說文同

瑟神湓慎也

書大誥天閼瑟我成功所傳閼慎也正義

曰閼慎釋詁文詩

魯頌閼宮

閼宮有伋箋閼神也正義引

釋詁云閼與瑟字異音同玉篇 引詩作祕宮說文

示祕神也又

比部

瑟慎也又

門部

閼閉門也是祕瑟正文

閱爲通借三字皆从必聲

鬱陶繇喜也

說文𠂔部有鬱字乃鬱𠂔之鬱从日从

口从缶从𠂔从彡又林部有鬱字云木叢生者从林

鬱省聲二字音同義異經典鬱𠂔字相承亦用林部

之鬱今此鬱陶字未知本是何體

說文𠂔部𠂔喜也

从口𠂔聲又人部信喜也从人𠂔聲案繇與𠂔信搖猶

三字皆通用

𦉳穡獲也

𦉳釋文云本又作𦉳案說文𦉳部𦉳从耳或

聲或从首作𦉳

穡釋文云本或作齊依注字宜從

禾

正義云俘獲之獲收穫之穫俱通作獲元照案

此亦兼兩義而義最相近

阻艱難也

剡矚利也

釋文云矚詩本作略案說文

刀部剡刀劒刃

也从刀𠂔聲籀文从𠂔从各作矚古通借作略匡繆

正俗 六引爾雅作略

允任王佞也

捭拑捭使也捭拑捭使從也

釋文云拑拑皆从手捭

字又作𢇛案說文手部無拑字當作并說文

从𢇛相

從也从𠂔开聲

說文捭擲也非此義人部無𢇛字

詩

大雅桑柔

捭云不逮傳捭使也正義曰捭使釋詁文元

照案莽亦假借字也釋訓粵斧詩作莽蜂說文作𧈧
律則此字亦當作𧈧

𧈧仍因也釋文云𧈧樊孫作𧈧尚書正義微子引作𧈧

案說文人部無𧈧字正義云𧈧通𧈧臯陶謨思曰

贊贊襄哉馬融曰因也釋文引段氏玉裁曰古𧈧𧈧通

史記龜策西𧈧大宛徐廣曰𧈧一作𧈧仍通仍說文

仍人部仍手部皆訓因周禮注引春官司几筵

董督正也說文艸部無董字當从童作董續漢書五行志一千

里草何青青乃董字也則此字後漢俗書已从重矣督石經作督案督从日

者唐時俗體今已不行

享孝也珍享獻也 享獻說文同

縱縮亂也 縮說文同 亂乃治亂字非此義當作敵

說文支部敵煩也从支爾聲

探篡俘取也 正義曰俘又作桴說文云引取也易君

子以桴多益寡虞翻曰桴取也案易作桴釋文曰鄭荀董蜀才作桴云取

也邵引虞翻不知何据

徂在存也 說文退或作徂 正義曰徂通且詩鄭風

東門匪我思且箋云猶匪我思存也釋文云且音徂爾

雅云存也

在存省士察也 正義曰士通仕詩小雅節南山弗問弗仕

箋仕察也

烈枿餘也 正義云烈通烈廣雅烈餘也元照案說文

巾部無烈字卽裂之別體說文

衣部

裂緝餘也从衣

聲古字衣巾偏旁多通用烈假借字 枿釋文云本

或作枿又作不注作藥並同說文作櫨以枿不爲古

文藥爲或體云伐木之餘元照案一切經音義

四又十八

又廿一引作枿又

十二又十三

引作藥詩

商頌長發

苞有三藥傳

藥餘也疏不引爾雅失之疎矣枿乃譌字

訶迎也 訶釋文云本又作迺案說文訶或作迺 正

義云訶通御詩

召南鵲巢

百兩御之箋御迎也又通輅左

傳

宣二年

狂狡輅鄭人杜云輅迎也

元良首也

尚書正義

益稷

引作元首首也

薦摯臻也

正義云易水洊至釋文云京作臻干作荐

元照案說文

水部

瀟水至也从水薦聲讀若尊此與釋

言荐原再也皆當作瀟

正義云說文

女部

嫫至也从

女執聲周書曰大命不嫫讀若摯同一曰虞書雉嫫

今尚書作大命不摯史記作不至

賡揚續也

說文

糸部

續古文从承貝作賡則賡卽續字

也當作康詩

小雅

西有長康傳康續也正義曰康續

釋詁文

說文

勿部

易開也从日一勿一曰飛揚一曰

長也一曰彊者眾也長義似與續近

耐旒祖也 說文同

即尼也尼定也 尼釋文云本亦作昵案說文

尸部尼從

後近之从尸匕聲又

日部

暱日近也从日匿聲春秋傳

曰私降暱燕或从尼作昵

邇幾暱近也 正義云邇省作爾鄭注儀禮禮記爾近

也案邇正文爾通借

見前

暱文選注

廿五又廿六又卅

一切

經音義

一又五又十又十一又十三又十八又廿一又廿二

引皆作昵

一切經音

義所引爾雅昵親近也是注非正文

尚書正義

秦誓

曰昵近釋詁文案昵

即暱字

見上

安坐也 說文無安字

貉縮綸也

貉嘆安定也

嘆釋文云本亦作莫案詩

大雅皇矣

求民之

莫傳莫定也正義曰莫定釋詁文又

板

民之莫矣傳

莫定也正義曰莫定釋詁文華嚴經音義

十行品

引爾

雅莫定也

正義云貉通作貊又通莫詩

皇矣

貊其德

音釋文云韓詩作莫云定也

華嚴經音義

佛不思議法品

引郭注爾雅漠謂靜定也是又有作漠者

伊維也伊維侯也

時寔是也

卒猷假輟已也 釋文云卒又作碎下同案此與下二

卒字皆當作碎省作卒耳 正義云假或作瑕詩大

思齊烈假不瑕箋瑕已也疏云瑕已釋詁文

殊酋在卒就終也 釋文云殊又作求就或作嘍又作

殲殲本又作終元照案自石經以後諸本皆作求就

終其步旁皆俗人所加嘍乃俗歆字 見說文亦不可用

徐養原曰說文糸部終絛絲也又絛急也絛求古蓋通用 說文 人部 僧終也从人

瞢聲僧亦讀囚與酋音近

崩薨無祿卒殂殂殂死也 崩說文作𡵓或从𡵓作𡵓

無祿儀禮疏 喪服經傳引作不祿又 旣云曲禮與爾雅

皆云大夫曰卒士曰不祿 殂釋文云本又作徂石

經作徂一切經音義

廿二

引徂落死也

五經文字且部徂往也爾雅又

爲徂落字

案殂正文徂通借皆有往義也

殂釋文云本

又作落石經作落案殂亦俗字諸本無作殂者

爾雅匡名卷一終